

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA NNE**

**KIKAO CHA SABA**

**08 SEPTEMBER, 2021**



## ORODHA YA SHUGHULI ZA LEO

### MKUTANO WA NNE

KIKAO CHA SABA – TAREHE 08 SEPTEMBER, 2021

I. DUA:

II. HATI ZA KUWASILISHA MEZANI:

#### WAZIRI WA KILIMO:

Maelezo ya Waziri wa Kilimo kuhusu Azimio la Bunge la Kuridhia Itifaki ya Jumuiya ya Afrika Mashariki ya Viwango vya Afya ya Mimea, Wanyama na Usalama wa Chakula (*East African Community Protocol on Sanitary and Phytosanitary – SPS Measures*).

#### MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Maoni ya Kamati ya Kudumu ya Bunge ya Kilimo, Mifugo na Maji kuhusu Azimio la Bunge la Kuridhia Itifaki ya Jumuiya ya Africa Mashariki ya Viwango vya Afya ya Mimea, Wanyama na Usalama wa Chakula (*East African Community Protocol on Sanitary and Phytosanitary – SPS Measures*).

### III. MASWALI:

#### OFISI YA RAIS (TAMISEMI):

#### 80. MHESHIMIWA JULIANA DANIEL SHONZA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini jengo jipya la Hospitali lililojengwa Tunduma litafunguliwa na kuanza kutoa huduma kwa Wananchi.

#### 81. MHESHIMIWA JOSEPHAT SINKAMBA KANDEGE (KALAMBO):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini ahadi ya Mheshimiwa Rais ya Mwaka 2015 ya ujenzi wa Kivuko cha Mto Kalambo itatekelezwa.

## **WIZARA YA MALIASILI NA UTALII:**

### **82. MHESHIMIWA JEREMIAH MRIMI AMSABI (SERENGETI):**

Atamuuliza Mheshimiwa Waziri wa Maliasili na Utalii:-

Je, Serikali ina mkakati gani wa haraka na wa kudumu wa kudhibiti Wanyamapori katika Hifadhi ya Taifa ya Serengeti hasa Tembo na Simba ambao wamekuwa wakivamia Vijiji na kuharibu mashamba pamoja na kuua Watu.

## **WIZARA YA MAMBO YA NDANI YA NCHI:**

### **83. MHESHIMIWA KASSIM HASSAN HAJI (MWANAKWEREKWE):**

Atamuuliza Mheshimiwa Waziri wa Mambo ya Ndani ya Nchi:-

Je, ni lini Serikali itakamilisha ujenzi wa Kituo cha Polisi Mwanakwerekwe ambacho kiliwekwa jiwe la msingi Mwaka 2008 na Kiongozi wa Mbio za Mwenge.

**WIZARA YA FEDHA NA MIPANGO:**

**84. MHESHIMIWA ATHUMAN ALMAS MAIGE  
(TABORA KASKAZINI):**

Atamuuliza Mheshimiwa Waziri wa Fedha na Mipango:-

(a) Je, ni Wakulima wangapi wadogo wadogo wamepata mikopo kutoka Benki ya Kilimo ili kukuza tija kwa Wakulima hao;

(b) Je, riba za Benki ya Kilimo zinatofauti gani na riba za Benki za Biashara katika kumsaidia Mkulima mdogo.

**WIZARA YA VIWANDA NA BIASHARA:**

**85. MHESHIMIWA ESTER EDWIN MALEKO (VITI  
MAALUM):**

Atamuuliza Mheshimiwa Waziri wa Viwanda na Biashara:-

Je, Serikali ina mkakati gani wa kufufua Kiwanda cha Magunia Moshi Mkoani Kilimanjaro ili kukuza ajira na uchumi kwa Wananchi.

**86. MHESHIMIWA ASSA NELSON MAKANIKA  
(KIGOMA KASKAZINI):**

Atamuuliza Mheshimiwa Waziri wa Viwanda na Biashara:-

Je, Serikali imefikia hatua gani katika kurekebisha vifungashio vya Mafuta ya Mawese kwa kuwa Wananchi wanaumizwa na kunyonywa kupitia vifungashio vinavyotumika sasa.

**WIZARA YA ARDHI, NYUMBA NA MAENDELEO  
YA MAKAZI:**

**87. MHESHIMIWA GODWIN EMMANUEL  
KUNAMBI (MLIMBA):**

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, ni lini Serikali itafanya tathmini ya mashamba pori yasiyoendelezwa Mkoani Morogoro.

## **WIZARA YA ELIMU, SAYANSI NA TEKNOLOJIA:**

### **88. MHESHIMIWA NAJMA MURTAZA GIGA (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:-

Je, Serikali haioni umuhimu wa kuanzisha somo maalum la maadili kuanzia Shule za Misingi sambamba na somo la afya kwa Mtoto ili kukabiliana na mabadiliko ya maumbile ya hisia za mwili pindi Mtoto anapoanza kukua ikiwa ni njia ya kukabiliana na tatizo la Watoto kuanza kushiriki mapenzi mapema.

## **WIZARA YA UJENZI NA UCHUKUZI:**

### **89. MHESHIMIWA OLIVER DANIEL SEMUGURUKA (VITI MAALUM):**

Atamuuliza Mheshimiwa Waziri wa Ujenzi na Uchukuzi:-

Je, ni lini Serikali itatekeleza ahadi ya Hayati Dkt. John Pombe Magufuli ya Ujenzi wa barabara ya Bugene kupitia Pori la Kimisi hadi Benaco kwa kiwango cha lami.

**90. MHESHIMIWA TABASAM HAMIS MWAGAO  
(SENGEREMA):**

Atamuuliza Mheshimiwa Waziri wa Ujenzi na Uchukuzi:-

(a) Je, ni lini Jimbo la Sengerema litapata Kivuko kipya angalau kimoja kati ya Vivuko vitano ambavyo Serikali imepanga kujenga katika Ziwa Victoria kwa Bajeti ya Mwaka 2021 – 2022;

(b) Je, Serikali inafahamu adha ya usafiri wanayoipata Wananchi wa Mji mdogo wa Buyagu Wilayani Sengerema pamoja na Wananchi wa Wilaya za Misungwi na Nyang'hwale kwa kukosa chombo madhubuti cha usafiri wa majini.

**91. MHESHIMIWA CATHERINE VALENTINE  
MAGIGE (VITI MAALUM):**

Atamuuliza Mheshimiwa Waziri wa Ujenzi na Uchukuzi:-

Je, ni lini Serikali itamlipa Mkandarasi anayetengeneza kwa kiwango cha lami barabara ya kutoka Loliondo hadi Mto wa Mbu ili iweze kukamilika na kurahisisha maisha ya Wakazi wa Ngorongoro.



## **WIZARA YA KATIBA NA SHERIA:**

### **92. MHESHIMIWA ZAINAB ATHUMANI KATIMBA (VITI MAALUM):**

Atamuuliza Mheshimiwa Waziri wa Katiba na Sheria:-

Je, ni lini Serikali italeta Muswada wa Marekebisho ya Sheria ya Ndoa Bungeni ili kurekebisha Vifungu vya Sheria vinavyohusu Mtoto wa Kike kuolewa akiwa na umri chini ya miaka 18.

## **WIZARA YA MAMBO YA NJE NA USHIRIKIANO WA AFRIKA MASHARIKI:**

### **93. MHESHIMIWA FRANCIS LEONARD MTEGA (MBARALI):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:-

Je, ni lini Viongozi wa Kitaifa wataanza kutembelea nchi za nje mahsusi kwa ajili ya kutafuta masoko ya mazao hususan Mpunga na Mahindi.

## **WIZARA YA MAJI:**

### **94. MHESHIMIWA BONIPHACE MWITA GETERE (BUNDA):**

Atamuuliza Mheshimiwa Waziri wa Maji:-

Je, ni lini Wananchi wa Kata saba za Tarafa ya Chamriho watapatiwa maji kutoka mradi wa maji ya Ziwa Victoria.

#### **IV. HOJA YA SERIKALI:**

#### **MAAZIMIO:**

#### **WAZIRI WA KILIMO:**

Azimio la Bunge la Kuridhia Itifaki ya Jumuiya ya Afrika Mashariki ya Viwango vya Afya ya Mimea, Wanyama na Usalama wa Chakula (*East African Community Protocol on Sanitary and Phytosanitary – SPS Measures*).

**DODOMA**  
**08 SEPTEMBER, 2021**

**N.J. MWIHAMBI, *ndc***  
**KATIBU WA BUNGE**